

Radunonza communal dils 08 da december 2016

1. Beinvegni

Il president communal beneventa 64 votantas e votants a questa radunonza communal. Culs 5 commembers dalla suprastonza ed il canzlist ein 70 persunas cun dretg da votar presentas.

2. Elecziun dils dumbravuschs

Ils proponi vegnan elegi unanimamein.

3. Protocol dalla radunonza communal dils 15-06-2016

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

4. a) Procedura da perimeter sanaziun vias communalas

b) Etappa 1; Via Sorts, Via Patialas, Via Canginas, Via Sur Baselgia, Via Cresta e Via Catschegn

a) La suprastonza communal propona d'approbar il plan per plirs onns 2017 tochen 2037 per la sanaziun dallas vias communalas.

Decisiun: La radunonza communal approbescha il plan per plirs onns cun 54 vuschs GIE e neginas cuntervuschs.

b) La suprastonza communal propona da conceder il credit d'investiziun brut da frs. 2'850'000.- per ils onns 2017 tochen 2023 per l'introducziun dalla procedura da perimeter, per la projectaziun e per l'execuziun dalla sanaziun dallas vias communalas Via Sorts, Via Patialas, Via Canginas, Via Sur Baselgia, Via Cresta und Via Catschegn.

Decisiun: La radunonza communal approbescha la damonda da credit cun 46 vuschs GIE encunter 4 vuschs NA.

5. Damonda da credit piazza da giugs Punteglias

La suprastonza communal propona d'approbar la damonda da credit sur frs. 80'000.- per la sanaziun dalla piazza da giugs Punteglias.

Decisiun: La radunonza communal approbescha la damonda da credit cun 60 vuschs GIE encunter 1 vusch NA.

6. Damonda da sustegn Uniun da musica Sagogn

La suprastanza communal propona da sustener l'instrumentaziun nova cun ina garanzia da deficit sur maximalmein frs. 80'000.-. La summa duei vegnir partida sin dus onns. Frs. 40'000.- igl onn 2016 ed il rest (max. frs. 40'000.-) sin fundament dil quen final dall'instrumentaziun igl onn 2017.

Decisiun: La radunonza communal approbescha la damonda da sustegn senza cuntervuschs.

7. Damonda da sustegn Associaziun da consum Falera-Laax

La suprastanza communal propona d'approbar la damonda da sustegn dall'associaziun da consum Falera-Laax en fuorma d'ina pauschala annuala da frs. 30'000.- per in cuoz da treis onns (2016 – 2018).

Decisiun: La radunonza communal approbescha la damonda da sustegn senza cuntervuschs.

8. Preventiv 2017

Quen current

Il quen current muossa in gudogn da frs. 6'150.- tier entradas ed expensas da rodund frs. 3.6 milliuns. Cumpri ein amortisaziuns ordinarias ed extraordinarias da frs. 93'500.-.

Decisiun: La radunonza approbescha il preventiv 2016 dil quen current cun 66 vuschs GIE e neginas cuntervuschs.

Quen d'investiziuns

Il quen d'investiziun muossa expensas da frs. 1'136'300.- tier entradas da frs. 524'700.-. Cumpriu ei cheu principalmein l'emprema etappa dalla sanaziun da vias communalas. Per ils projects ch'eiin gia vegni approvai dad ina radunonza drovi negina votaziun.

Decisiun: La radunonza approbescha il preventiv 2016 dil quen d'investiziuns cun 54 vuschs GIE e neginas cuntervuschs.

9. Fixar pei da taglia 2017

La suprastanza communal propona da schar il pei da taglia sco tochen dacheu sin 112 % dalla taglia cantunala semplia.

Ord il pievel vegn la proposta da sbassar il pei da taglia da 112% sin 108%.

Decisiun:

Per la proposta dalla suprastanza: 49 vuschs;

Per la proposta ord il pievel: 2 vuschs.

10. Fixar pei da taglia sin schischom 2017

La suprastanza communal propona d'alzar il pei da taglia da 1.25 ‰ sin 1.50 ‰.

Decisiun: La radunonza communal decida cun 32 vuschs GIE encunter 25 vuschs NA d'alzar il pei da taglia sin schischom sin 1.50 ‰.

11. Cunvegna da prestaziun Center da formaziun Surselva

La suprastanza communal propona d'approbar la cunvegna da prestaziun cun la Regiun Surselva pertuccont il menar il Center da formaziun Surselva cun entrada en vigur igl 1 da schaner 2017.

Decisiun: La radunonza communal approbescha la cunvegna da prestaziun cun 51 vuschs GIE e neginas cuntervuschs.

13. Varia (mo parzialmein)

Ord il pievel vegn inoltrau ina moziun cun l'incarica alla suprastanza d'erreger ina grupp da lavur (cumissiun) per evaluar ina sligiazion optimala per la via d'access H19 en direcziun Laax (resp. Glion).

Decisiun: La radunonza communal refusescha la moziun cun 28 vuschs NA encunter 27 vuschs GIE.

Il president communal siara la radunonza allas 22:45.